

Broj: 06-JN-04-1260/2024

Datum: 26.09.2024. godine

Na osnovu člana člana 70. st. (4). Zakona o javnim nabavkama („Sl. glasnik BiH“, broj 39/14 i 59/22), a u vezi sa obavještenjem izabranog ponuđača Bio Brand d.o.o. broj: 486/2024 od 24.09.2024. godine, u postupku javne nabavke Hljev i pecivo za bolničku kuhinju, direktor JU Opća bolnica Konjic donosi:

ODLUKU
o poništenju postupka dodjele ugovora

Član 1.

Poništava se postupak za dodjelu ugovora za nabavku Hljev i pecivo za bolničku kuhinju.

Član 2.

Ova odluka objavit će se na web-stranici ugovornog organa i dostaviti ponuđačima koji su u postupku javne nabavke dostavili ponudu.

Član 3.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 06-JN-04-435/2024 od 28.05.2024. godine.

Javna nabavka je provedena putem Konkurentskog zahtjeva.

Procijenjena vrijednost javne nabavke bez PDV-a je 6.000,00 KM.

Obavještenje o nabavci broj: 11089-7-1-33-3-31/24 objavljeno na Portalu javnih nabavki 30.05.2024. godine i u Službenom glasniku BiH broj: 37/2024 od 31.05.2024. godine.

Komisija za javnu nabavku imenovana je Odlukom broj: 06-JN-04-37/2024 od 19.01.2024. godine.

Komisija za javnu nabavku je blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajući zapisnik, u kojima je utvrđeno sljedeće:

- da je ukupan broj pristiglih ponuda 2.
- da su blagovremeno zaprimljene 2 ponude.
- da nema neblagovremeno zaprimljenih ponuda.
- da su prihvatljive ponude ponuđača:

1. Bio Brand d.o.o. Jablanica
2. PI "Gradska pekara" d.o.o. Jablanica

Ugovorni organ je zakazao E-aukciju u trajanju od 20 minuta za dan 27.06.2024. godine sa početkom u 10,00 sati. Nakon okončane e-aukcije najpovoljnija ponuda je ponuda ponuđača Bio Brand d.o.o.

Ugovorni organ je dana 01.07.2024. godine donio odluku o izboru najpovoljnijeg ponuđača broj: 06-JN-04-675/2024, nakon čega je u dva navrata izabranom ponuđaču Bio Brand d.o.o. dostavljao Ugovor o javnoj nabavci hljeba i peciva za bolničku kuhinju i to prvi ugovor zaprimljen kod Bio Brand d.o.o. 15.07.2024. godine a drugi 05.09.2024. godine. U međuvremenu u više navrata Ugovorni organ se telefonski obraćao izabranom ponuđaču i tražio informaciju zašto ugovor nije potpisan od strane Bio Brand d.o.o. i vraćen Ugovornom organu. Sva obraćanja su bila bez konkretnog odgovora. Dana 24.09.2024. godine Ugovorni organ je od ponuđača Bio Brand d.o.o. dobio pismeno obavještenje broj: 486/2024 kojim obavještavaju Ugovorni organ da zbog nepredviđenih okolnosti odustaju od ponude 11-06/2024 od 11.06.2024. godine na osnovu koje je izabran kao najpovoljniji ponuđač.

Imajući u vidu protek vremena od dana podnošenja ponuda, i da je dana 14.08.2024. godine protekao period važenja drugorangirane ponude ponuđača PI "Gradska pekara" d.o.o., nisu ispunjeni zakonski uslovi iz člana 72. stav (3) Zakona o javnim nabavkama i da se ugovor ne može ponuditi drugorangiranom ponuđaču PI "Gradska pekara" d.o.o.

U postupku ocjene provedenog postupka, rukovodilac ugovornog tijela nije našao razloge, nepravilnosti niti propuste u radu, koji bi eventualno bili osnov za neprihvatanje zapisnika Komisije za javnu nabavku.

Naime, u postupku je ocijenjeno da je Komisija u svemu pravilno postupila te da zbog činjenice da izabrani najpovoljniji ponuđač odustaje od ponude a nisu ispunjeni zakonski uslovi za dodjelu ugovora drugorangiranom ponuđaču, postupak dodjele ugovora za nabavku Hljeb i pecivo za bolničku kuhinju završava donošenjem odluke o poništenju.

Iz navedenih razloga, primjenom Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



Direktor:
Prim.Dr. Lepara Dženan

Šef službe za pravne i opće poslove:
Omerović Minela, dipl.iur.

Dostaviti:

- **Bio Brand d.o.o., Šljunkara b.b., 88420 Jablanica**
- **PI "Gradska pekara" d.o.o. Jablanica, Stara Kasarna b.b., 88420 Jablanica**
- **Web stranica JU Opća bolnica konjic**
- **a/a**